

المحامي المبتدئ 12

تحتوي على: التسلسل الهرمي للعقوبات الجنائية.

- شرح التسلسل الهرمي للعقوبات الجنائية من خلال شكل مثلثي.
- تعريف الجنايات وأنواعها مع شرح مبسط وواقعة تخیلية للتطبيق العملي.
- تعريف وتوضيح الجرح مع واقعة تخیلية للتوضيح العملي.
- تعريف وتوضيح المخالفات مع ذكر أمثلة.

إعداد

إبراهيم الباز النجار



دونها في كشكولك




(الحقوق محفوظة لـ: ebrahim_elbaz1@ (الصفحة الأصلية للمحتوى)).

التسلسل للعقوبات الجنائية

الملف رقم 100
بتاريخ 2026/2/5

قبل ما ندخل في التفاصيل،

تعالى نشوف الترتيب الهرمي للعقوبات الجنائية
بشكل بسيط وسريع.



(الحقوق محفوظة لـ: ebrahim_elbaz1@ (الصفحة الأصلية للمحتوى)).



دونها في كشكولك



(الحقوق محفوظة لـ: @ebrahim_elbaz1 (الصفحة الأصلية للمحتوى)).

الجنايات

أول حاجة لازم نعرفها هي يعني إيه جناية؟

التعريف القانوني للجنايات:

تنص المادة 10 من قانون العقوبات على:
"الجنايات هي الجرائم المعاقب عليها بالعقوبات الآتية: الإعدام، السجن المؤبد، السجن المشدد، السجن".

يعني إيه الكلام ده؟

يعني الجناية هي أخطر أنواع الجرائم، وعشان هي خطيرة، المشرع خصص لها أشد أنواع العقوبات، ومستحيل تلاقي جناية عقوبتها حبس بسيط أو غرامة بس؛ لازم تبدأ من السجن وتوصل للإعدام.

أنواع عقوبات الجنايات:

1- عقوبة الإعدام:

هي أقصى عقوبة، ونصت عليها المادة 13 من قانون العقوبات:
"كل محكوم عليه بالإعدام يشنق".

(الحقوق محفوظة لـ: @ebrahim_elbaz1 (الصفحة الأصلية للمحتوى)).

يعني إيه الكلام ده؟

يعني دي نهاية الطريق، وهي العقوبة اللي المشرع وضعها لأخطر الجرائم اللي بتهدد أمن المجتمع زي القتل العمد مع سبق الإصرار أو بعض جرائم الإرهاب، ويتم تنفيذها بإنهاء حياة الجاني عن طريق الشنق.



دونها في كشكولك



(الحقوق محفوظة لـ): ebrahim_elbaz1@ (الصفحة الأصلية للمحتوى).

2- السجن المؤبد والسجن المشدد:

تنص المادة 14 على أن:

"السجن المؤبد والسجن المشدد هما وضع المحكوم عليه في أحد السجون المخصصة لذلك وتشغيله في الأعمال التي تعينها الحكومة مدة حياته إذا كانت العقوبة مؤبدة، أو المدة المحكوم بها إذا كانت مشددة".

يعني إيه الكلام ده؟

يعني المتهم بيقضي **عقوبته** في سجن نظامه **شديد**، ويكون فيه شغل إلزامي طول مدة العقوبة.

المؤبد: يعني **بفضل** في **السجن طول حياته** مش **20** سنة زي ما البعض فاكّر (لكن عملياً ممكن يخرج بعد **20 سنة** لو حسن السير والسلوك **وفقاً لقانون** تنظيم السجون).

المشدد: يعني مدة محددة (من **3** لـ **15** سنة).

3- عقوبة السجن (السجن العادي):

تنص المادة 16 على:

"عقوبة السجن هي وضع المحكوم عليه في أحد السجون العمومية وتشغيله داخل السجن أو خارجه في الأعمال التي تعينها الحكومة المدة المحكوم بها عليه".

يعني إيه الكلام ده؟

دي **أخف** أنواع **الجنايات**، مدتها برضه من **3** لـ **15** سنة، وبتتنفذ في سجن عمومي، بس نظامها **أهدى** **شوية** من **المشدد** في نوعية الأشغال والمعاملة، والمحكمة بتديها لما تلاقي الجريمة (**جناية**) بس **ظروفها** مش محتاجة **تشديد**.

(الحقوق محفوظة لـ): ebrahim_elbaz1@ (الصفحة الأصلية للمحتوى).



دونها في كشكولك



(الحقوق محفوظة لـ: @ebrahim_elbaz1 (الصفحة الأصلية للمحتوى)).

واقعة تخيلية:

تخيل شخص ارتكب جريمة (قتل عمد مع سبق الإصرار)، هنا المحكمة بتطبق عليه عقوبة الإعدام (المادة 230).
لكن لو شخص تاني ارتكب جريمة (عاهة مستديمة)، المحكمة هنا عندها سلطة تديله سجن مشدد (لو فيه ظرف مشدد) أو سجن عادي بيبدأ من 3 سنين (المادة 240)، وده بيوضح تدرج العقوبة داخل فئة الجنايات نفسها.

يعني إيه الكلام ده؟

يعني مش كل الجنايات زي بعض، القانون بيدي للقاضي مساحة يختار العقوبة المناسبة حسب بشاعة الجريمة، من أول الإعدام لحد السجن لمدة 3 سنين.

خلي بالك:

اللاتين اسمهم (جناية)، لكن شدة الفعل هي اللي بتحدد نوع العقوبة ومكان تنفيذها.

(الحقوق محفوظة لـ: @ebrahim_elbaz1 (الصفحة الأصلية للمحتوى)).

الجنح

الجنحة هي الجريمة متوسطة الجسامة، والمشرع حدد ليها عقوبات بتبدأ من الغرامة لحد الحبس.



دونها في كشكولك



(الحقوق محفوظة لـ: @ebrahim_elbaz1 (الصفحة الأصلية للمحتوى)).

التعريف القانوني للجنح:

تنص المادة **11** من قانون العقوبات على:
"الجنح هي الجرائم المعاقب عليها بالعقوبات الآتية: الحبس، الغرامة التي يزيد أقصى مقدارها على مائة جنيه."

يعني إيه الكلام ده؟

يعني لو القانون حدد للجريمة عقوبة **حبس (حتى لو يوم واحد)** أو غرامة أكثر من **100** جنيه، يبقى إحنا على طول قدام **جنحة**.
ودي الجرائم اللي **بنشوفها كتير** في حياتنا زي **الضرب**، **السرقعة البسيطة**، أو **النصب**.

مدة عقوبة الحبس:

تنص المادة **18** على:

"عقوبة الحبس هي وضع المحكوم عليه في أحد السجون المركزية... ومدة الحبس لا تقل عن أربعة وعشرين ساعة ولا تزيد على ثلاث سنين إلا في الأحوال التي ينص فيها القانون على غير ذلك".

(الحقوق محفوظة لـ: @ebrahim_elbaz1 (الصفحة الأصلية للمحتوى)).

يعني إيه الكلام ده؟

يعني عقوبة الجنحة ليها **أرض** وهي **24** ساعة، وليها **سقف** وهو **3** سنين. لو زادت عن كده تبقى **قلبت جنائية**، ولو قلت عن **24** ساعة تبقى **مخالفة**. (طبعاً فيه **استثناءات** في قوانين خاصة ممكن الحبس فيها يوصل لـ **5** سنين، بس القاعدة العامة هي الـ **3** سنين).



دونها في كشكولك



(الحقوق محفوظة لـ): ebrahim_elbaz1@ (الصفحة الأصلية للمحتوى).

واقعة تخيلية

شخص سرق موبایل (سرقة بسيطة)، المحكمة حكمت عليه بسنة حبس مع الشغل (لأن المدة سنة فأكثر فالقانون يفرض الشغل).

شخص ضرب جاره، المحكمة حكمت عليه بشهر حبس بسيط (لأنها جنحة بسيطة والمدة أقل من سنة والقاضي مستخدمش سلطته في التشديد).

يعني إيه الكلام ده؟

يعني نوع الحبس يعتمد على مدة العقوبة وسجل المتهم الإجرامي وتقدير القاضي.

المخالفات

دي أقل أنواع الجرائم خطورة، وبثعتبر في قاعدة الهرم العقابي، والهدف منها هو الحفاظ على النظام العام.

التعريف القانوني للمخالفة:

تنص المادة 12 من قانون العقوبات على:
"المخالفات هي الجرائم المعاقب عليها بالعقوبة الآتية: الغرامة التي لا يزيد أقصى مقدارها على مائة جنيه."

يعني إيه الكلام ده؟

يعني دي أفعال بسيطة القانون مش بيعاقب عليها بالحبس، لكن بيعاقب عليها بـ الغرامة (يعني تدفع مبلغ مالي للدولة).

الأمثلة:

مخالفات المرور البسيطة، أو الإخلال ببعض اللوائح الإدارية البسيطة.

(الحقوق محفوظة لـ): ebrahim_elbaz1@ (الصفحة الأصلية للمحتوى).



دونها في كشكولك



(الحقوق محفوظة لـ): @ebrahim_elbaz1 (الصفحة الأصلية للمحتوى).

وفي النهاية

دا **الملف رقم (12)** من سلسلة **المحامي المبتدئ**، والغرض منه إنك ما ينفعش تكون **طالب حقوق** أو **خريج** ومتعرفش تفرق بين **الحبس** و**السجن**. كل لفظ بتقوله له معنى، ودي الحاجة **اللي بتميزك** عن غيرك **كمحامي** إنك فاهم **المصطلح القانوني** الصح ومش بتستخدم أي كلمة إلا وأنت عارف معناها.

مينفعش تقول إن المؤبد **20** سنة وهو في الحقيقة **مدى الحياة**، ومينفعش تقول **اتحبس 15 سنة** والصحيح **اتسجن 15 سنة**، ومينفعش **تقعد** في قاعة فيها **أساتذة** ومحامين **كبار** وتقول مصطلح **غلط** وتسمع تعليق في غير محله. لازم تبقى **فاهم** وعارف كل **كلمة** بتطلع منك.

الملف ده **معمول بمجهود كبير** ومعتمد على نصوص **قانون العقوبات**، ونصيحتي ليك لو حابب **تفهم أكثر**: اشترى الأكواد، وهي كتب صغيرة فيها نصوص المواد، وقرأ فيها **باستمرار** علشان تزود **معرفتك القانونية** وتبني نفسك صح، وأخيرًا العمل ده متاح **مجانيًا** لوجه الله تعالى، **فلا تنسونا من دعائكم**.

وبس كده،

كان معكم/ إبراهيم الباز النجار،
من منصة "دونها في كشكولك"،
والسلام عليكم ورحمة الله وبركاته.

للحصول على **جميع الشروحات والملفات القانونية** انضم إلى **قناة التليجرام** وباقي منصاتنا.

https://tiktok.com/@ebrahim_elbaz1 :

<https://t.me/ebrahimelbaz12> :

Ebrahim Elbaz Elnagar

دونها في كشكولك

